

**Računi štednje i uslovi oročavanja štednih depozita fizičkih lica**
**Štedni računi po viđenju i visina kamatnih stopa**

Banka otvara i vodi račune štednih depozita u domaćoj valuti KM i stranim valutama u skladu sa Internom kursnom listom Banke, dostupnom na Internet stranici Banke.

Na štedne depozite po viđenju Banka ne obračunava kamatu.

**Oročeni štedni depoziti i visina kamatnih stopa za oročene štedne depozite u KM i EUR valuti**

Banka oročava štedne depozite u domaćoj valuti KM, u KM sa valutnom klauzulom u EUR i EUR valuti.

| Nenamjenski oročeni štedni depoziti | Fiksna kamatna stopa na godišnjem nivou |                         |
|-------------------------------------|---|-------------------------|
|                                     | Nominalna kamatna stopa                 | Efektivna kamatna stopa |
| Period oročenja                     |   |                         |
| 180 do 365 dana                     | 0,60%                                   | 0,60%                   |
| 366 do 539 dana                     | 1,75%                                   | 1,75%                   |
| 540 do 729 dana                     | 2,00%                                   | 2,00%                   |
| 730 do 1094 dana                    | 2,50%                                   | 2,50%                   |
| 1095 do 1825 dana                   | 2,65%                                   | 2,65%                   |

Kamatne stope za period od 366 do 1825 dana su po posebnoj ponudi i važe do **31.10.2024. godine.**

**Rentni štedni depozit** – Sva oročenja preko 180 dana, do maksimalno 1825 dana, minimalan ulog 5.000,00 KM, isplata kamate mjesečno. Kamatna stopa prema uslovima za oročene štedne depozite.

**Kumulativni štedni depozit** – mogućnost periodičnih uplata, maksimalan mjesečni iznos uplate 10.000,00 KM.

| Kumulativni štedni depoziti | Fiksna kamatna stopa na godišnjem nivou |                         |
|-----------------------------|---|-------------------------|
|                             | Nominalna kamatna stopa                 | Efektivna kamatna stopa |
| Period oročenja             |   |                         |
| 366 do 729 dana             | 1,00%                                   | 1,00%                   |
| 730 do 1825 dana            | 1,50%                                   | 1,50%                   |

**Postepeni štedni depozit** - Oročeni štedni depozit u KM i EUR valuti, sa početnim štednim ulogom od min. 50,00 KM i mjesečnim uplatama, minimalan iznos uplate 25,00 KM ili (13,00 EUR), maksimalno mjesečno 10.000,00 KM, fiksna kamatna stopa na postepeni štedni depozit iznosi 2,00%, obračunava se po konformnoj metodi (efektivna kamatna stopa jednaka je nominalnoj kamatnoj stopi) i važi za mjesečne uplate u trajanju od 1825 dana (5 godina).

**Dječiji štedni depozit "Zlatna ribica"** - za fizička lica koja nisu starija od 18 godina, minimalan početni ulog 20,00 KM, maksimalni mjesečni ulog 1.000,00 KM. Sredstvima depozita raspoložu Zakonski zastupnici maloljetnog lica uz prethodnu potpisanu izjavu/saglasnost oba roditelja (Zakonska zastupnika).

| "Zlatna ribica"   | Fiksna kamatna stopa na godišnjem nivou |                         |
|-------------------|---|-------------------------|
|                   | Nominalna kamatna stopa                 | Efektivna kamatna stopa |
| Period oročenja   |   |                         |
| 366 do 729 dana   | 1,00%                                   | 1,00%                   |
| 730 do 1094 dana  | 2,00%                                   | 2,00%                   |
| 1095 do 1825 dana | 2,15%                                   | 2,15%                   |
| 1826 dana         | 2,15%                                   | 2,15%                   |

**Obračun naknada** - Banka ne obračunava naknadu za vođenje depozitnih štednih računa.

Za usluge otvaranja i izvršenja trajnog naloga u korist računa štednje koji se vode u Banci, kao i gotovinske uplate i isplate sa računa po viđenju u stranoj valuti, Banka ne obračunava naknadu. Otvaranje trajnih naloga moguće je samo u slučaju da se Deponent opredijelio za elektronsku štednu knjižicu.

**Obračun kamata na štedne depozite** - Sve kamatne stope iz ponude oročenih štednih depozita, iskazane u Informativnom listu su fiksne kamatne stope. Kamata se obračunava po linearnoj metodi izuzev postepene štednje, koja se obračunava po konformnoj metodi. Na štedne depozite po viđenju kamata se obračunava i pripisuje na štedni račun po viđenju na kraju kalendarske godine ili danom gašenja računa. Za oročene štedne depozite sa fiksnom (nepromjenljivom) kamatnom stopom, kamatna stopa je nepromjenljiva za ugovoreni period oročenja. U slučaju automatskog produženja oročenja štednih depozita, za period reoročenog depozita primjenjuje se kamatna stopa važeća na dan reoročenja, a u skladu sa Informativnim listom Banke o računima štednje i uslovima oročavanja štednih depozita fizičkih lica, objavljenom na Internet stranici Banke i u poslovnim prostorijama Banke. Svako automatsko produženje oročenja smatra se ugovorenim na period oročenja iz ugovora, a kamatna stopa je nepromjenjiva za period reoročenog depozita

**Automatsko produženje oročenja štednih depozita** - Kod ugovaranja automatskog produženja oročenja, oročeni štedni depozit ili depozit uvećan za pripisanu kamatu se ponovo oročava na ugovoreni period oročenja. Deponent bira opciju obračunate kamate za period oročenja, tako da se kamata isplaćuje ili pripisuje reoročenom depozitu. U slučaju automatskog produženja oročenja štednog depozita u uslovima kada je došlo do izmjene kamatnih stopa Banke, Banka će najkasnije 7 dana prije isteka oročenja Deponenta obavijestiti o roku na koji se produžava ugovor o oročenom štednom depozitu i novoj kamatnoj stopi. Deponent ima pravo da ugovor raskine najkasnije 15 dana od dana prijema obavještenja, odnosno najkasnije 8 dana nakon ponovnog oročenja, i to bez naknade i uz kamatu ugovorenu za istekli period oročenja.

Deponent bira jedan od načina obavještanja o novim uslovima oročenja. Obavještenja je moguće preuzimati u poslovnim prostorijama Banke, putem elektronske pošte na mail adresu ili putem pošte na adresu iz ugovora. Prilikom zaključenja ugovora o oročenom štednom depozitu Deponent se opredjeljuje za jedan od načina obavještenja i svojim potpisom na ugovoru potvrđuje izabranu opciju. Deponent se obavezuje da sve izmjene podataka vezano za izabrani način dostavljanja obavještenja blagovremeno dostavi Banci, u suprotnom Banka ne snosi odgovornost, odnosno štetne posljedice. Deponent je u obavezi da provjeri tačnost i potpunost izvoda sa rač una, kao i drugih izvještaja i obavještenja koje primi od Banke. U slučaju bilo kakvih reklamacija ima pravo da u roku od 8 dana uloži reklamaciju, u suprotnom smatraće se da je dokument prihvaćen.

**Štedna knjižica** - Štedni novčani depozit Banka evidentira u štednu knjižicu u štampanom ili elektronskom obliku, a što se reguliše ugovorom. U štednoj knjižici se evidentiraju sve uplate i isplate novca. Upisi u štampanu štednu knjižicu potvrđeni pečatom Banke i potpisom ovlaštenog lica su dokaz o uplatama, odnosno isplatama. Za elektronske štedne knjižice, Banka po zahtjevu Deponenta izdaje izvod o promjenama i stanju štednog uloga, koji će biti potvrđen pečatom Banke i potpisom ovlaštenog lica, kao dokaz o

uplatama, odnosno isplatama sa računa.

**Rok trajanja ugovora za depozitne račune po viđenju** - ugovori štednje po viđenju se zaključuju na određeno vrijeme do 31. decembra tekuće godine. Nakon isteka trajanja ugovora, ugovor će se automatski produžavati svakih 12 mjeseci, po uslovima koji budu važili u trenutku automatskog produžavanja ugovora, bez zaključivanja aneksa ugovora.

Kod automatskog produžavanja ugovora Banka i Deponent preduzimaju slijedeće aktivnosti:

- Banka će najkasnije 15 dana prije svakog automatskog produžavanja trajanja ugovora o štednji po viđenju na svojoj Internet stranici [www.nlb-rs.ba](http://www.nlb-rs.ba), te u svojim poslovnim prostorijama, objaviti uslove za korišćenje usluga (visinu kamatnih stopa i naknada) koje se primjenjuju za novi ugovorni period od 12 mjeseci, odnosno kalendarsku godinu,
- deponent će prije isteka rok trajanja ugovora izvršiti uvid u visinu kamatne stope i naknade za korišćenje usluga, koje će se primjenjivati za novi ugovorni period od 12 mjeseci, te može, ukoliko nije saglasan sa novim uslovima, poslati pismeni zahtjev za otkazivanje ugovora, a u suprotnom se podrazumijeva da je Deponent saglasan sa automatskim produžavanjem ugovora po novim uslovima.

#### Uslovi prijevremenog raskidanja oročenog štednog depozita

Deponent može raskinuti ugovor prije isteka perioda oročenja, u skladu sa sljedećim uslovima:

- U slučaju prijevremenog raskida ugovora nakon 31 kalendarski dan od datuma podnošenja pisanog zahtjeva za prijevremeni raskid ugovora, Banka obračunava i isplaćuje kamatu za protekli period oročenja od datuma zaključenja ugovora do datuma prijevremenog raskida ugovora, odnosno za dostignuti period oročenja, po kamatnoj stopi koja važi za period oročenja koji je dostignut i koja je na snazi na dan podnošenja Zahtjeva za prijevremeni raskid ugovora (u daljem tekstu: Kamatna stopa za dostignuti period oročenja).
- Banka može, u pojedinačno opravdanim slučajevima, kada se Deponent nalazi u teškoj situaciji, odobriti raskid ugovora nakon podnošenja pisanog Zahtjeva. Uz pisani Zahtjev za prijevremeni raskid ugovora, Deponent je dužan priložiti i adekvatnu dokumentaciju kojom opravdava razlog prijevremenog raskida ugovora. Pod pojedinačno opravdanim slučajevima se smatraju nepredviđene okolnosti usljed kojih Deponent ima potrebu za prijevremenim raskidom oročenog depozita. Nepredviđene okolnosti su: smrt člana porodice, iznenadna teža bolest Deponenta ili člana porodice, nezgode koje su uzrokovale teže tjelesne povrede Deponenta ili člana porodice Deponenta, posljedice razbojništva koje se ogledaju u otuđenju ili uništenju imovine, prekid radnog odnosa, nezgode izazvane prirodnom silom (zemljotres, požar, poplava) koje za posljedicu imaju uništenje imovine. Članom porodice smatraju se djeca, bračni partner i izdržavani članovi porodičnog domaćinstva. Banka obračunava i isplaćuje kamatu za protekli period oročenja od datuma zaključenja ugovora do datuma prijevremenog raskida ugovora, odnosno za dostignuti period oročenja, po Kamatnoj stopi za dostignuti period oročenja.
- U slučaju prijevremenog raskida ugovora u roku do 31 kalendarski dan od datuma podnošenja pisanog zahtjeva za prijevremeni raskid ugovora, Banka obračunava i isplaćuje kamatu za protekli period oročenja od datuma zaključenja ugovora do datuma prijevremenog raskida ugovora, odnosno za dostignuti period oročenja, po Kamatnoj stopi za dostignuti period oročenja, a Deponent plaća naknadu Banci za period od datuma prijevremenog raskida ugovora do datuma ugovorenog dospjeća po kamatnoj stopi u visini od 50% Kamatne stope za dostignuti period oročenja. Iznos naknade koju Deponent plaća ne može biti veći od kamate koju obračunava Banka za period oročenja od datuma zaključenja ugovora do datuma prijevremenog raskida ugovora

U slučaju raskida ugovora o oročenom depozitu prije isteka ugovorenog perioda oročenja, Deponent je u obavezi da Banci prezentuje predmetni ugovor. Pored navedenih uslova, u slučaju prijevremenog raskida ugovora kod Rentnog štednog depozita, štedni ulog Deponeta se umanjuje za iznos razlike između isplaćene ugovorene kamate i kamate koja se obračunava u slučaju prijevremenog raskida oročenja.

**Isplata štednog depozita i kamate** - Banka vrši isplatu štednog depozita i kamate u valuti u kojoj je depozit deponovan na račun depozita po viđenju.

**Iznos osiguranog depozita kod Agencije za osiguranje depozita** - Na osnovu Zakona o osiguranju depozita u bankama BiH, Agencija za osiguranje depozita BiH osigurava sve prikladne depozite u bankama članicama u BiH. Zakon o osiguranju depozita u bankama BiH definiše koji se depoziti imaju smatrati prikladnim. Najveći iznos osiguranog depozita zajedno s obračunatom kamatom, koji isplaćuje Agencija za osiguranje depozita BiH po Klijentu odnosno Deponentu po banci članici, iznosi prikladni depozit u manjen za zakonski ili ugovorni dug Deponenta prema banci članici najviše do iznosa utvrđenog odlukom Agencije za osiguranje depozita BiH, a koji u trenutku važenja ovog Informativnog lista iznosi 70.000,00 KM. Sve izmjene zakonskih propisa i odluka vezanih za osigurani depozit i visinu osiguranog depozita će se primjenjivati na ugovorni odnos između Banke i Deponenta, bez zaključivanja posebnih aneksa ugovora.

**Reprezentativan primjer** - Vrsta štednog depozita: oročeni štedni depozit sa fiksnom kamatnom stopom

| Iznos štednog depozita | Period oročenja | Nominalna kamatna stopa na godišnjem nivou | Iznos kamate | Efektivna kamatna stopa na godišnjem nivou |
|------------------------|-----------------|--|--------------|--|
| 5.000,00 KM            | 366 dana        | 1,75%                                      | 87,60 KM     | 1,75%                                      |
| 5.000,00 KM            | 730 dana        | 2,50%                                      | 249,80 KM    | 2,50%                                      |

Klijent ima pravo da dobije besplatnu kopiju nacrtu ugovora o štednom depozitu radi razmatranja ugovora izvan prostorija Banke, izuzev ako Banka u vrijeme podnošenja zahtjeva ocijeni da ne postoje uslovi za zasnivanje odnosa sa Klijentom u konkretnom pravnom poslu. Klijent ima pravo razmotriti nacrt ugovora izvan prostorija Banke u istom roku u kojem Banku obavezuju podaci sadržani u uručenom Informativnom listu koji iznosi 15 dana.

Prilikom zaključenja ugovora o štednom depozitu notarska ovjera nije potrebna.

**Objavljivanje informacija** - O svim izmjenama poslovne politike Banka će obavještavati Deponenta na Internet stranici Banke [www.nlb-rs.ba](http://www.nlb-rs.ba) i u poslovnim prostorijama Banke. Uz ugovore o oročenim štednim depozitima Banka uručuje plan isplate depozita sa obračunom kamate. U poslovnim prostorijama i na Internet stranici Banke omogućen je uvid u: Opšte uslove poslovanja, Posebne uslove poslovanja, Informativni list Banke o računima štednje i uslovima oročavanja štednih depozita fizičkih lica, visinu euribor kamatne stope, Informativni list o tarifama, provizijama i naknadama za obavljanje usluga platnog prometa u zemlji i inostranstvu, za poslovanje elektronskim instrumentima plaćanja (poslovanje sa karticama, elektronsko i mobilno bankarstvo, WEB info, SMS servis), Internu kursnu listu, kao i visinu stope zakonske zatezne kamate.

Uslovi iz Informativnog lista vrijede do njihove promjene koja će biti objavljena na Internet stranici i prostorijama Banke minimalno 15 dana prije promjene.

U Banjoj Luci, 30.09.2024. godine